

Բ. Առաքելյան

ՀԱՅԵՐԻ ԱՊՍԱՄԲՈՒԹՅՈՒՆԸ ԱՐԱԲԱԿԱՆ ԼԾԻ ԴԵՍ 703 ԹՎԻՆ

Հետևելով հիտլերյան ֆաշիստականիքալների արարքներին ժամանակակից պատերազմում, աղամայից հիշում ենք ողջ պատմության ընթացքում տեղի ունեցած նվաճողական մարդակուլ պատերազմները՝ լի նենգություն, վայրագություն, բարբարոսություն, մարդկության ստեղծած նյութական ու կուլտուրական արժեքների ոչնչացմամբ և դժվար է գտնել համեմատության եզր այն ճիվաղային արարքների հետ, որ գործում է գերմանական ֆաշիզմը:

Ապանվածների գանգերից բուրգեր կանգնեցնող ասորեստանյան թագավորները, Դարեհի զեսպուտիզմը, հին աշխարհը ստրկացնող հռոմեական հպարտ, ամբարտապան կայսրները, բարբարոս վանդալները, ղուբանի անունով երկրներ նվաճող իրենց կապուտ-կողոպուտով մահ, ամայություն ու գերեվարություն սփռող արաբական հորդանները, սելջուկյան թուրք-թաթարական հրոսակախմբերը, եվրոպական խաչակիրները, Ջինգիզ-խանը, Լենկթեմուրը, գերմանական վայրագ ասպետական օրդենները, Ադա Մամեդ-խանը կամ արյունարբու Աբդուլ Համիդը չեն կարող համեմատվել հրեշ հիտլերի և գերմանական ֆաշիզմի հետ: Ովքե՞ր են սփռել այնքան մեծ ստրկություն, սով, արհավիրք, մահ ու վանդալիզմ, որքան գերմանական ֆաշիզմը, ովքե՞ր են գործադրել այնքան շատ մահու և արհավիրքի մեքենաներ ու մեքենայություններ, որքան գերմանական ֆաշիզմը:

Գերմանական ֆաշիզմը այժմ սպառնալիքի տակ է դրել սրբազան ազատության և արդար աշխատանքի հիման վրա կոմունիստական հասարակություն հաստատած մեր մեծ հայրենիքը: Բայց միշտ էլ բռնությունը հակադրվել է ողջ առաջավոր մարդկությունը և իր ջախջախիչ հարվածն է տվել նրան: Տարակույս չկա, որ նոր բռնական էլ կջախջախվի:

Հայ ժողովրդի պատմությունն էլ լի է հերոսական գոտեմարտերով հանուն հայրենիքի ազատության, բարեկեցության ու կուլտուրական բարգավաճման, ընդդեմ նվաճողական ու հարստահարիչ բարբարոսական հորդանների: Դեռ նոր միայն կազմավորվող հայ ժողովուրդը հերոսական կռիվներ է մղել Աքեմենյան Պարսկաստանի դեմ՝ թոթափելու նրա լուծը: Ազատագրական ժողովրդական պայքարը Սելևկյան տիրապետության դեմ, Ձ-րդ դարի սկզբներին մեր թ. առաջ, պսակվեց հայերի հաղթանակով և բուն հայկական առաջին պետականության հաստատմամբ Արտաշես I-ի գլխավորությամբ:

Արտաշեսի հետնորդները՝ Տիգրան II-ը, Արտավազդը, Արտաշես II-ը և մյուսները շարունակում են պայքարը հռոմեական և պարթևական նվաճողների դեմ:

Հետագայում հայ ժողովուրդը պայքար էր մղում Սասանյան Պարսկաստանի և Հռոմի զորարանականների դեմ, որոնք ձգտում էին գրավել Հայաստանը:

Չորրորդ դարի վերջերին Հայաստանը բաժանվեց Արևելյան Հռոմեական կայսրության և Սասանյան Պարսկաստանի միջև: 428 թվին Պարսկաստանը վերջ դրեց հայկական Արշակունյան պետության գոյությանը: Սակայն հայերի ազատագրական պայքարը նոր, առավել հուժկու արտահայտություն գտավ Սասանյան աիրապետության դեմ 451, 481—84 և 572 թվերին տեղի ունեցած մեծ ապստամբությունների մեջ: Ապստամբություններ տեղի ունեցան նաև Հայաստանի՝ բյուզանդական կայսրությանն անցած մասում:

Այս բոլոր ապստամբությունները լի են անձնադուհ հերոսություններով, մեծ ախրագործություններով ու հնարագիտություններով ընդդեմ թշնամու դերագանց ուժերի, որոնք ձգտում էին օտար աիրապետություն և լուծ հաստատել Հայաստանում, ոչնչացնել երկրի անկախությունն ու ազատությունը, կողոպտել նրանց հարստությունները:

Այս հողվածում նպատակ ունենք անել մի այդպիսի հերոսական կռվի պատմությունը, որ տեղի է ունեցել 703 թվին արաբական խալիֆայի Հայաստանը նվաճած զորքերի դեմ:

Հայաստանի նվաճումը արաբական խալիֆայի սկսեց դեռ 640 թվին: Արաբական նվաճողների դեմ մեկ ասանամյակից ավելի հերոսական կռիվ էր մղում հայ ժողովուրդը Թեոդորոս Ռշտունու գլխավորությամբ: 650-ական թվականների սկզբներին արաբների ու բյուզանդական կայսրության կողմից Հայաստանի անկախությանը սպառնացող վտանգն այնքան մեծ էր, որ նրանից խուսափելն անհնարին էր դառել: Մնում էր ընտրել չարիքներից փոքրագույնը, և Թեոդորոս Ռշտունին 652 թվին պայմանագիր կնքեց արաբների հետ, որով՝ Հայաստանը ճանաչեց արաբական խալիֆայի գերիշխանությունը: Նույն 7-րդ դարի 80-ական թվականներին հայերը օգտվելով խալիֆայի ներքին կռիվներից, թոթափեցին այդ գերիշխանությունը, բայց ստիպված էին պաշտպանվել բյուզանդական կայսրությունից, որը արաբական խալիֆայից ոչ պակաս բարբարոսությամբ մեծ զորքեր դուրս բերեց հայերի դեմ և նվաճեց Հայաստանը: Սակայն բյուզանդական կայսրության տիրապետությունը Հայաստանում երկար չտևեց (689—698): Դարի վերջին արաբական խալիֆայի Աբդուլ-Մեկիթի գլխավորությամբ ճնշեց ներքին երկպառակությունները, արյան մեջ խեղդեց Իրաքի, Սիրիայի, Սեպտիմիայի ապստամբությունները: Արաբական բանակները դեպի արևելք շարժվելով, մտան Միջին Ասիա, իսկ 698 թվին շարժվեցին դեպի հյուսիս՝ Հայաստանի, Աղվանից աշխարհի և Վրաստանի վրա:

Հայաստանի նվաճումը հանձնարարված էր խալիֆի եղբորը՝ Մահմեդ իբն-Աբդուլանին, որը երգվել էր «չգարձուցանել զսուր ի պատեանս մինչև ի մեջ աշխարհիս»¹: Երկու տարի տևեց Հայաստանի նվաճումը՝ 698—700 թ. թ.:

¹ Պատմություն Ղևոնդեսյ Մեծի վարդապետի Հայոց, Պետերբուրգ, 1887 թ., էջ 20:

Թշնամուն գիմադրելու համար ոտքի էին ելել բոլոր նրանք, ովքեր ընդունակ էին այս կամ այն կերպ օգտակար լինել թշնամու դեմ մղվող մարտերում: Սակայն թշնամին կոպում էր խիստ գերազանց ուժերով, միաժամանակ չէր խորշում գործադրել խաբուսթյուն և նինդուսթյուն՝ ամրոցները գրավելիս: «Քանզի պատիր բանիւք կոչէր ի խաղաղութիւն»¹, և ուխտադրուժ կերպով գրավելով ամրոցները, սրի էր քաշում խաղաղ բնակչությանը, գերի էր վարում կանանց և երեխաներին: Կամ եկեղեցու մեծաքանակ հարստությունները (որ կուտակվել էին դարերի թանգարժեք նվիրներից) կողոպտելու համար արաբներն սպանում են իրենց ծառային, մեղքը զցում հողևորականների վրա, կոտորում են նրանց և կողոպտում եկեղեցիները:

Ամրանալով լեռներում և ամրոցներում, հայերը ուժեղ գիմադրություն են ցույց տալիս նվաճողներին: Երկու տարի տեղ գործերից հետո արաբները 700 թվին գրավում են հայերի վերջին հենարանը՝ Սևանա կղզու ամրոցը²:

Գրավելով Հայաստանը, Մահմեդ զորավարը մահ ու ավեր փռեց երկրում. որտեղով անցել էին արաբական զորքերը, նրանց ետևում մնացել էին ծխացող ավաններ ու գյուղեր, ամայացած դաշտեր, լքված այգիներ և պարտեզներ: Ավարի ու կողոպուտի հետ արաբները մեծ թվով կանայք ու երեխաներ գերեվարեցին. դեպի Ասորիք, և երկիրը, ինչպես ժամանակով մոտիկ պատմիչն է վկայում, մնաց ռապես խոզերի ոտքերի տակ տրոլված, խանձված ու ծխացող օրան³:

Մահմեդը Հայաստանը կառավարելու համար թողեց Արդուլա ոստիկանին: Եթե արաբական գերիշխանության առաջին 50-ամյակում (652—700 թ.թ.) Հայաստանը պահպանում էր իր ինքնուրույնությունը և մարզպանական շրջանում հաստատված կարգերը, միաժամանակ հայկական ֆեոդալական ու սեփականատիրական ողջ հարաբերությունները և միայն վճարում էր չնչին հարկ ի վավերացումն արաբական գերիշխանության, ապա Հայաստանի այս երկրորդ նվաճումից հետո ամեն ինչ խիստ փոխվում է: Հայաստանը կորցնում է իր ինքնուրույնությունը, նշանակվում են արաբ կառավարիչներ—ոստիկաններ, որոնք իշխում էին երկրում, ողջ հողը, ջուրը, անտառները, արոտները, մի խոսքով՝ երկրի ողջ հարստությունը արաբներն արդեն համարում էին իրենց սեփականությունը: Հայ ֆեոդալները և ճորտական կախումից ազատ շինականները կորցնում են իրենց հողատիրական իրավունքը, կամ այդ իրավունքը նրանց արվում է որպես առանձնաշնորհում արաբական խալիֆաթի կողմից: Այս դեռ բոլորը չէ: Իրերի նոր դրությունը ամբապնդելու համար արաբները որոշում են ոչնչացնել հայերի դիմադրական ուժը և առաջին հերթին հողատիրական դասը՝ աղնվականությունն ու հայկական հեծելազորը. «Սորհուրդ վատ ի մէջ առեալ բառնալ զազատախումբ տոհմն յաշխարհէս Հայոց հանդերձ նոցին հեծելովք»⁴: Արդու-

¹ Պատմութիւն Ղևոնդեայ Մեծի վարդապետի Հայոց, Պետերբուրգ, 1887 թ., էջ 20:

² Յովհաննու կաթողիկոսի Պատմութիւն Հայոց, 1912 թ., Թիֆլիս, էջ 93—94:

³ Պատմութիւն Ղևոնդեայ Մեծի վարդապետի Հայոց, էջ 22:

⁴ Նույն տեղում, էջ 23:

լան կալանքի է արձույթ Սմբատ Բյուրառայան Բագրատունուն, որը 686—691 թվերին եղել էր Հայաստանի սպարապետը, իսկ 691 թվից՝ Հայաստանի կառավարիչը, ըստ երևույթին միաժամանակ նաև սպարապետը։ Կալանավորվում է և Սահակ կաթողիկոսը, որը Սմբատի հետ միասին աքսորվում է Դամասկոս։ Սմբատ Բագրատունին ճանապարհին փախչելով, վերադառնում է Հայաստան¹։ Արդուլայի նենգությունը՝ ոչնչացնելու հայկական ռազմական ուժը և տոհմիկ հողատիրական դասը, ակնհայտ էր։ Սմբատ Բագրատունին լավ էր հասկանում արաբների նենգությունը։ Նա խորհրդողակցություն է հավաքում մի քանի նախարարների՝ որոշում կայացնելու հայերի անելիքների մասին։ Այս առթիվ Ղևոնդը վկայում է.

«Իսկ իբրև զգայր [Սմբատ] զդաւաճանութիւնն՝ կոչէր առ ինքն զհամագունս իւր զազատախումբ բանակին, զՍմբատ որդի Աշոտոյ իշխանի² և զՎարդ որդի Թէոդորոսի իշխանի³ և զեղբայր իւր զԱշոտ⁴ և զայլ նախարարսն. և խորհէր հնարս դտանել, որով մարթացեն զանձինս ապրեցողսն»⁵։

Նախարարներն զգում են, որ չեն կարող իրենց ուժերով կռվի բռնըվել արաբական զորքերի հետ։ Նրանք որոշում են թողնել Հայաստանը, անցնել բյուզանդական կայսրություն մեջ։

«Նւ եղև [բանս] խորհրդին՝ տեղի տալ և գնալ յաշխարհէս առ Թագաւորն Յուսնաց»⁶։

Երևի ոչ բոլորն էին համամիտ այդ որոշմանը, այլ կերպ նախ՝ անհասկանալի կմնար, թե ինչու նրանք խորհուրդ են հարցնում այդ հարցի կապակցությամբ մի հայտնի միայնակյացի, որն ապրում էր Վառդգուրականի Առեստակողմ կոչված վայրում։ Միայնակյացը նրանց որոշմանը հավանություն չի տալիս և զգուշացնում է նենգությունից։ Երկրորդ՝ ըստ երևույթին այդ որոշմանը դեմ էր և ինքը՝ Սմբատը, որը նախարարների և երկու հազարանոց կազմ ու սլատրաստ հեծելազորի հետ միասին շտապ վերադառնում է Այրարատյան նահանգը և հասնում է Արաքս գետին՝ Ակոռիի մոտ։ Արաքսական զորքերը ելնելով Նախիջևանից, հինգ հազարանոց բանակով սկսում են հետապնդել հայերին։ Իմանալով այդ բանը, հայերն անցնում են Արաքսը և բանակ են դնում Վարդանակերտ ավանում (այժմյան Մարդարա գյուղի տեղը կամ նրա մոտերքը)։ Արաքսական զորքերը հետապնդելով մոտենում են հայերին։ Սմբատը պատգամավորներ ուղարկելով արաբների մոտ, հայտնում է նրանց.

«Ընդհեր, ասէ, պնդեալ գայք զկնի մեր. զինչ ինչ մեղաք ձեզ. ահա-

¹ Զամչյան—հատ. Բ, 377։ Դատելով այն բանից, որ Վարդանակերտի ճակատամարտը տեղի է ունեցել 703 թվի սկզբին, Սմբատի վերադարձը դնում ենք 702 թվին։

² Մեզ թվում է, որ Սմբատը Սմբատ Բյուրառայանի եղբոր՝ Աշոտ Բագրատունու որդին է, իսկ Աշոտը Հայաստանի իշխանն է եղել 686—689 թվերին։

³ Եթե սա Թեոդորոս Ուտունու որդի Վարդն է, ապա պետք է գառամյալ ծերուկ լիներ, որքանով նա հիշվում է 650 թ. դեպքերի կապակցությամբ։

⁴ Թերեւս այս Աշոտը նույնը լինի վերը հիշված Աշոտ իշխանի հետ, որը Սմբատ Բագրատունու ավագ եղբայրն էր, մյուս Սմբատի հայրը։

⁵ Գատմութիւն Ղեվոնդեայ, էջ 23։

⁶ Նույն տեղ, էջ 23։

վաղիկ երկիրդ մեր առաջի՝ ձեր հ, ձեզ տուեալ եմք գրեականութիւնս մեր. գայ-
գիս մեր և զանտառս և զանդաստանս մեր. արդ ընդմեր և զանձինս մեր
խնդրէք: Թույլ տուք մեզ գնալ ի սահմանաց մերոց»¹:

Այս վկայութիւնից պարզ երևում է այն, ինչ մենք վերը շարադրե-
ցինք, որ 700 թվից սկսած հայերը զրկվում են իրենց սեփական երկրի հո-
գից, ջրից, անտառներից, անգաստաններից, այլև մասամբ բնակութեան
վայրերից: Արաբները պատասխանի փոխարեն մարտի են պատրաստվում
երկու կողմերից զորքերն արդեն մարտական կարգ էին ընդունել և պատ-
րաստ էին պատերազմի: Հայերը ամրացնում են Վարդանակերտի փողոցնե-
րը, գիշերը հանգստանում են և վաղ առափոտյան «յարուցեալ յարդա-
րեցին գունդ առ գունդ և ճակատ առ ճակատ, և խմբեցաւ պատերազմեմ»²:
Երկու հազարանոց լավ զինված հայկական հեծելազորը հարձակվում է արա-
բական հինգ հազարանոց բանակի վրա: Կռիվը տեղի է ունենում Արաքսի
ափին, այնպիսի ցրտաշունչ մի օր, երբ Արաքսի երեսը պատած էր սա-
ռույցով: Կռվում էին երկու բանակներ՝ մեկն իր հայրենիքի ազատութեան
և բնաջնջման փրկելու արդար գործի համար, մյուսը՝ նվաճված երկրում
արաբական խռիճիքով ափսոսանքով ամրապնդելու, ափեր ու մահ-
ափերու համար: Կատաղի ճակատամարտում հայերը ցուցաբերում են
բնական հերոսութիւն և սխրագործութիւն, որով և ապահովվում է նրանց
հաղթանակը թվով ավելի քան կրկնակի գերազանց թշնամու նկատմամբ:
Արաբական զորքերը ծանր պարտութիւն են կրում: Սրի առջևից փախող
արաբ զինվորները իրենց գերեզմանն են գտնում Արաքսի սառույցների
վրա կամ գետի հատակն են իջնում խորտակվող սառույցից:

Ղևոնդն այդ առթիվ վկայում է. «Նւ որը ի սրոյն փախեան՝ անկան ի
գետն Երասխ, քանզի պաղուցեալ էր ի խտութենէ օդոյն. և իբրև կա-
նէին ի վերայ պաղին, բազմութիւն զօրացն՝ անդէն վաղվաղակի խորոց
մատնէին, խորտակեալ պաղին՝ որք ի սրոյն գերծեալք էին և աշնպես հեղ-
ձամահ վճարէին ի կենաց»³:

Նույն պատմիչի վկայութեամբ՝ արաբական զորքերից միայն 300 հոգի
խույս տալով մահից, ապավինում են Շուշան տիկնոջ՝ մարդասիրութեանը,
որը համոզում է արաբներին հետապնդող Սմբատին (Աշոտ իշխանի որդուն)՝
ազատ արձակել թշվառ զինվորներին, անգամ բժշկական օգնութիւն է
ցույց տալիս վիրավորներին և ճանապարհում է Դամասկոս:

Բյուզանդական պատմիչ Թեոփանեսը՝ այս դեպքերը նկարագրելիս
հայտնում է, թե հայերին օգնութեան էր եկել մի բյուզանդական զորա-
գունդ, որն իբր թե այրել է արաբ ռառիկանի արքունիքը Դվինում և Վար-
դանակերտի ճակատամարտին մասնացել է հայերի հետ՝ հարվածելով արաբ-
ներին: Սակայն այս անցքերը մանրամասն նկարագրող Ղևոնդ վարդապե-

1 Պատմութիւն Ղևոնդեայ Մեծի վարդապետի Հայոց, 1887 թ., էջ 25:

2 Նույն տեղ, էջ 25:

3 Նույնը:

4 Այս աիկին Շուշանը Վահան Կամսարականի դուստրն էր և, ըստ երևութիւնի
Սմբատ Բագրատունու կինը:

5. Տես Չամչյան, հատ. Բ, էջ 378:

տը, որի մանկության օրերին է, հավանաբար, տեղի ունեցել Վարդանահերտի կռիվը, չի հիշում բյուզանդացիների մասին, չեն հիշում և մյուս պատմիչները, թեև նրանք չեն մոռանում հիշատակել, որ հայերը զրաված ավարից բաժին են հանում բյուզանդական կայսրին, իսկ վերջինս կյուրապաղատություն է շնորհում Սմբատ Բագրատունուն: Վարդանակերտում հայերի տարած հաղթանակի հուշակը մեծ էր: Հովհաննես կաթողիկոսը վկայում է, թե դեռ իր ժամանակ էլ (10-րդ դար) արաբների մեջ տասցվածք էր դարձել՝ «Վարդանակերտը թող բնավ չհիշեցվի մեզ»:

«... Ցարդ ևս բան առ Հագարացիսն ըստ իւրեանց աղխատորոյ՝ բառին պատմի, թե «Վարդանակերտ առիւ մի յիշեսցի մեզ»¹:

Մեզ թվում է, թե բյուզանդական պատմիչի վկայությունը նրա սեփական միտումովոր հորինվածքն է:

Վարդանակերտի ճակատամարտի ժամանակը ճիշտ է որոշված Օրմանյանի մոտ² և մենք անհրաժեշտ չենք համարում քննության առնել այդ հարցը:

Ինչպես միշտ, այնպես էլ այս անգամ, Վարդանակերտի ճակատամարտից հետո առաջին իսկ հաջողությունը արձագանք է գտնում երկրի մյուս գավառներում: Անմիջապես ոտքի է կանգնում Վանանդը, Շիրակը և Արշարունիքը: Կամսարական զորավոր նախարարական տան գլխավորությամբ հայերը ջարդում են արաբական բանակը նաև Վանանդում: Արաբական զորավար Ոգբան հազիվ է կարողանում խուսափել մահից և վերադառնալ Դամասկոս:

Այս դեպքերը նկարագրող Հովհաննես կաթողիկոսը վկայում է. «Ընդդէմ դարձան [Հայք] ասպատակաց հէնից Իսմայէլեան զօրուն: Եւ վասն զի Ոգբայ ոմն զօրապետ մեծ հանդերձ զօրօք բազմօք շրջէր ընդ կողմամբք Վանանդայ՝ անդ ապա հասեալ ի վերայ Կամսարականն հանդերձ ազատօքն Վանանդայ կոտորեցին սպառնապուռ զօրս նոցա և ինքն փախստեայ անցեալ գնայր առ ամիրապետն իւր»³: Այսպիսով, Արարատյան նահանգը, Շիրակը, Արշարունիքը, Վանանդը, որոնք Հայաստանի սիրտն էին կազմում, ազատվում են արաբական զորաբանակներից:

Սմբատ Բագրատունին լավ էր հասկանում, որ խալիֆաթի անելի ուժերին միայն հայկական ուժով դիմադրելը անհնարին է. այդ է պատճառը, որ Վարդանակերտում ունեցած առաջին հաջողությունից հետո նա շտապում է բարեկամություն հաստատել բյուզանդական կայսրության հետ: Նա արաբներից զրաված ավարից գեղեցիկ նժույզներ և թանգարժեք իրեր է բաժին հանում բյուզանդական կայսրին: Մյուս կողմից՝ ներքին հուզումների ու գահակալական կռիվների հետևանքով թուլացած բյուզանդական կայսրության համար կարևոր էր բարեկամությունը հայերի հետ. ահա թե ինչու Աբսիմարոս կայսրը, որը հինգ տարի առաջ (698 թ.) մեծ զորաբանակի գլուխ անցած Հայաստան էր մտել ճնշելու նույն Սմբատ Բյու-

¹ Յովհաննու կաթողիկոսի Պատմութիւն Հայոց, 1912 թ., Թիֆլիս, էջ 95:

² Օրմանյան, Ազգապատում, էջ 781:

³ Յովհաննու կաթողիկոսի Պատմութիւն Հայոց, էջ 95:

ընտանիքները Բագրատունու ապստամբութիւնը, այժմ շտապում է կյուրապահ-
դատի կոչում շնորհել Սմբատին: Իսկ վերջինս ընդունելով այդ պաշտոնը,
ամրապնդում է Տայոց աշխարհի Թուխարք ամրոցում:

Հայաստանը մաքրելով արաբներից, հայկական զորքը Սմբատ Բագ-
րատունու ղեկավարութեամբ Տայքից շարժվում է դեպի Վասպուրական:
Արաբական մի երրորդ ջոկատ էլ, թվով հայկականից գերազանց, բնաջինջ
է արվում Վասպուրականի Ռշտունյաց գավառի Գուկանք կոչված գյուղի
մոտ: Ճակատամարտում անխնա կերպով սրի է քաշվում այդ ջոկատը հայ-
կական զորքի կողմից¹: Այդ առթիվ Ղևոնդը պատմում է.

«Ձայնու ժամանակաւ դարձեալ այլ հէնգայր ի վերայ զօրուն, որ ի կող-
մանս Վասպուրական աշխարհին. և եկեալ յանդիման լինէին ի դաւառն
Ռշտունեաց ի գիւղն, որում Գուկանսն կոչեն: Անդ յանդիման լինէին մի-
մեանց: Իբրև տեսին զի նուազունք էին, դիմեցին սաստկապէս ի վերայ նո-
ցայ և նոյն ժամայն գթացեալ ողորմութեանն Աստուծոյ, և յայնմ նուազի
ևս հասանէր ի թիկունս օգնականութեան: Եւ զամենեսեան ի սուր սուսերի
մաշեցին...»²:

Արաբական ամբողջ ջոկատից միայն 280 հոգի փախչում, ամբանում
են հեկեղեցում, հայերն ուզում են այրել եկեղեցին արաբների հետ միասին,
սակայն Սմբատ Բագրատունին լավ է համարում պաշարմամբ հարկադրել
նրանց հանձնվել:

Հետաքրքրական է Սմբատ Բագրատունու պատասխանը պաշարված
արաբական ջոկատին: Արաբական զորավարը զգալով իրենց անխուսափելի
վախճանը, դիմում է Սմբատին:

«Մեր լուեալ է եթէ ազդ քրիստոնէից ողորմած է. իբրև տեսանէ զոք
ի վիշտս՝ գթայ և ողորմի. արդ ողորմեցարուք մեզ և սուք մեզ զանձինս
մեր պարգև, և գինչս մեր առէք ձեզ յաւարի»³: Սմբատը պատասխանում է.

«Մեք, ասէ, ուսաք ի տեսունէ մեր եթէ ողորմութիւն ողորմածաց ար-
ժան է առնել. իսկ դուք ազդ անողորմ էք և ոչ արժանի ողորմութեան և ոչ
արասցուք»⁴:

Տաղանդավոր զորավարը անողորմութիւն է հռչակում անողորմ թշնամու
նկատմամբ: Արաբական եսասեր զորավարը խնդրում է խնայել թեկուզ մի-
այն իր կյանքը, զենք չզործադրել իր վրա, խոստանալով հանձնվել: Հայերն
իսկապես նրա դեմ դենք չեն գործադրում, բայց լիճն են նետում նրան⁵:

Խիստ սահմանափակ են մեր տեղեկութիւնները 703 թվի ապստամ-
բութիւն վերաբերյալ, սակայն այդ սուղ տեղեկութիւններից էլ սլարդ
երևում է, որ 703 թ. ապստամբութիւնը լոկ տեղական նշանակութիւն չի
ունեցել մի գավառի համար: Համենայն դեպս հայերին հաջողվել է արա-

¹ Օրմանյանը սխալվում է Գուկանքի ճակատամարտը դնելով Վարդանանկերտի ճա-
կատամարտից առաջ: Տես Ազգայագատում, էջ 779:

² Պատմութիւն Ղևոնդեայ Մեծի վարդապետի Հայոց, էջ 26:

³ Նույն տեղ, էջ 27:

⁴ Նույն տեղ, էջ 37: Ընդգծումը մերն է. Բ. Ա.

⁵ Նույն տեղ, էջ 27:

բազմազան զորքերից մաքրել Հայաստանի ամենակարևոր նահանգները՝ Այրարատը, Շիրակը, Արշարունիքը, Տայքը և Վասպուրականը:

703 թվի ապստամբությունը Սմբատ Բագրատունու գլխավորությամբ, այսպիսով, չի սահմանափակվել Վարդանակերտի հռչակավոր ճակատամարտով. այն հաջողությամբ տարածվել է նաև Հայաստանի մյուս շրջանները և պսակվել է հաղթանակով, շնորհիվ այն բանի, որ մահ ու ավեր, ամայացում, կողոպուտ ու գերեվարություն սփռող օտար նվաճողների դեմ հայկական զորքը և նրան օգնող ժողովուրդը կռվում էին աննկարագրելի անձնազոհությամբ ու խիղախությամբ:

Որքան էլ կարճատև լինեի այդ հաղթանակը¹, 703 թվի ապստամբությունը արաբական խալիֆաթի լծի դեմ կազմում է օտար տիրապետության դեմ հայ ժողովրդի մղած պայքարի հերոսական էջերից մեկը:

¹ Նույն 703 թվին արաբական հսկայական մի զորարանակ նորից մտնում է Հայաստան, Հայերը ստիպված են լինում տեղի տալ և կրկին հպատակություն հայտնել: